

JÓÓDAÁ

Jóóda cáátúnuháámi

Duurúvaju

¹ Oo Jóóda Jacóóbó nahbe Jetsocríjtó ïícúve múnáajpi o íjcyabe íñe íhyaami ó caatúnú ámúhakyée Méécááni íímíbájchóne újcúmeke Jetsocríjtó téhmehíjcyáme éllevu.

² Aane ihdyu óvíi ámúhake ïídaatsólléne píááboobe íbúwajíí ámuha meíjcyame mewáyjújcatsíki.

Állíú uwáábo múnaa

³ Ámuúha táñahbémut, ó imíllera éhniíñevu ámúhake o cáátunúne muhdúhjáa mepájtyetéíñe Píívyéébe méema méénúnetu. Áronáa tsaate ámúhake pátsáricyohíjcyánéllii ó imíllé íllure ámúhake o tsápijtsóné Píívyéébe meke ájcune ímiáájú icyánéjcutu ámuha meítsútúúveki.

⁴ Muurá ijcyámé tsaate ímityúme Píívyéébeke cáhcújtsóturómé íllure íállíñe ámúhá pañevú úcaavéme. Aame Máavyéjuube Jetsocríjtoke íéhdíiválléne nehíjcyá Píívyéébe meke iwáyjúnéllii muhdú meke méénúityúné ímityúme meíjcyáromeke. Tehdu néeme muurá wágóóové Píívyéébe waajácuháámí pañétúu tsúúcajájuco tene néhduú.

⁵ Aane ó imíllé tsúúca ámuha mewáájacújúcooróné ámúhake o ítsáávetsóné muhdúhjáa Píívyéébe ijraémú ihñéjté íjcyáromeke

méénune dííbyeke ditye cáhcújtsótúnéllíhye. Muuráhjáa Ejíhtó iinúji múnáá hójtsí pañétú diityéké dibye íjchívyétsórónáa diityédítýú tsaate dííbyeke cáhcújtsótúmeke dsíjívétsoóbe.

⁶ Téhduréhjáa muurá níjkyéji múnáa ímí dííbyema íjcyatúmé múhdurá dáríívémeímyeke waagóoobe íjcyátsihdyu. Áamekéhjáa pícyoobe cúúvétsíi pañévú úwáñehíñeri íhíjchúmeke ditye tétsii íjcyá dibye muhdú meícyahíjcyáné ímíbájchóíñévújuco.

⁷ Téhduréhjáa muurá Tsodóómaa, Gomóóraa, íúníúécoomíji múnáa, íjcyámeke ícúbáhraabe cúújúwari íhdícyáméhjima ditye dómácócatsíhíjcyáné déjúcotu. Áánetu méwaaJacú Píívyéébe ímítýúmeke ícúbahráné cúújúwari mújyú níjkéváityúne.

⁸ Ehdúhjáa íhdé múnáaúvuke dibye ícúbahránáa jíveekí dííbyé taúhbajúúné íéhdíívalléne ímityúné ihjyúvahíjcyámé níjkyéjiri íhtsútujte íjcyámedítýu? Aame ímityúné íjcyáneri íjpííhañe íllure tútávátsohíjcyáhi.

⁹ Muuráhjáa íhtsútuube níjkyéji múnáa avyéjuube íjcyároobe Migyééré tsá ímityúné íhjúvátú Naavenedítýú dííbyema Moitséeúvú ítéméhó hallúvú ityáhájcatsícyoóca. Tsáháa dibye dííbyedi íúúhíváténe néétu dibye ímítýuube íjcyane. Ílluréhjáa neebe dííbyeke: “Óvíi ihdyu muhdú Píívyéébe uke nééhíí.”

¹⁰ Árónáa muurá diitye állíu múnáa tsá tehdu néétune. Muurá ímityúné íhjúvahíjcyámé iwááJacútúnéhjiri íúúhíváténema. Aame iyámédú

dáríívémeíhijcyáhi. Ehdu ímillédú ijcyáneri iye ihyallúvú líicyúhcohíjcyámé iwágóóóveíñe.

¹¹ ¡Máidáátsoju ihdyu diityéké tene pájtyeíñej! Éhnéhjáa Caíí íñáhbeke dsíjívetsó díivane muurá méenuhíjcyáme. Áhdure éhnéhjáa Baraáá ímityúné méenu díivane idsíídsíváiyóneri ijiyáacunúhijcyáme. Aame muurá múhdurá idyáíívémeíhijcyáné níjcaúvú wágóóóveé éhnéhjáa Coréé illeebótú níjcaúvú dsíjíveebe wágóóóvedu.

¹² Muurá eene ámuha menáhbévájcatsíñé wañéhjinévú nucójpítsówu ímíáámeúvúdú múúbaké ávyejúúlletúmé ipyééne majchóháñé iye óróhcohíjcyá tsíjtyéjtane diityéké ítsáávetúme. Aame éhne múúne maállétyúcooca ojtsó kíjyeba pevénéré tsájtyedu. Áhdure diitye éhne úmehééne íñéeváiyótsihvu néevátúnéllíi ílluréjuco meíllone tébajkyéjimájucó mewáágoódu.

¹³ Áhdure diitye éhne nohji páné ihdéene móóá úniúvú íjchívyetsódu. Áhdure diitye éhne míicuru wáájácúráityúmeréjuco íjcyáíhullévú áákityédu. Aame wágóóóveé cúúvétsíí pañévú mújyú níjkéváityúne.

¹⁴⁻¹⁵ Muuráhjáa Enóó Adááúvúj tsíménémúhaabe 7-ijyúvájucóo dííbyeúvudítýú ditye lííyaaténáa íjcyaaabe Píívyéébe túkévéjtsóneri néé ehdu néémedítýu: “Ávyéjuube tsájucóo mítyame ihñéjtema pámeere míamúnáama muhdú ditye ícyahíjcyáné ímíbájchoki. Muurá pámeere ímityúné méenuhíjcyámema ímityúné dííbyedítýú íhjyúvahíjcyámé íáhdó újcuúhi.” Ehdúhjáa Enóóúvú

nééhií.

¹⁶ Aame muurá tsá mújyú íjtsúcunútú tsíeméné ímí tehdújuco íjcyane. Páneere múhdurá íjcyane nehíjcyáme. Ááne ímillédú ímityúné íjcyáne mítyákímyeíhijcyáme. Aame ímiáámeúvúdú tsaatémá tsaímíyé ihjyúvahíjcyá diityé tsíeméné diityédítýú iújcúroki.

Cáhcújtso múnáá túkevjtsoju

¹⁷ Ámuúha táñahbému, cáhawáá méitsáávé éhnéjháa Jetsocríjtó mamýémú nééneé:

¹⁸ “Muurá Jetsocríjtó tsiíñe tsááiñe pííhícooca íjcyaimyé tsaate ímillédú ímityúné íjcyame íllure dííbyedi úúhívatéimye.”

¹⁹ Aaméjuco muurá eene míamúnáake páhdváré íjtsámeíchóne ímityúneríyé tsúúrámeíhijcyáne. Áámé pañe tsá Píívyéébé Apííchó íjcyatúne.

²⁰ Áánetu ihdyu imíchi meíjcyáne Píívyéébema méihjyúvahíjcyá dííbyé Apííchó píáábori ámuha metéhmémeí Críjtoke mecáhcújtsónetu ámuha memújtátuki, ámuúha táñahbému.

²¹ Ahdícyane ímiááméré meíjcyá díbye ámúhake iwájýúne ipíááboki. Óóchévetúmeré météhmehíjcyá Jetsocríjto meke ídaatsóllédú íjcyabe mújyú medsíjívéjúcóóityúne bóhívu íajcuki.

²² Múu tsaate páhdváré íjtsámeímyeke úwaabó dítye iwájácúúvéne ímíñeúvú icyáhcújtsoki.

²³ Ehdu múu pájtyetéstó cúújúwá pañévu dítye wágóóóvéíyónetu. Árónáa ihdyu múu téhíwúwá íjcyá dítye ímityúné méénúnetu ámuha meíívatuki.

Duurúvaju

²⁴⁻²⁵ Aane ihdyu óví Píívyéébe Mépájtyetétsoobe Jetsocríjtoj téeveri ámúhakeyeh téhmé ámuha dííbyedítú memújtátuki. Áhdure óví ámúhakeyeh túkévétsoobe íínetú ámuha menéétsámeítu dííbyedívú ámuha meúújetécooca ímíjyuuri ámuha meíjcyaki. Áánéllii metsu Píívyéébeke apáábyekéré maávyéjútso panévatúré íhtsútuube íjcyaahe mújyú níjkéváítuúbeke. Áyu tehújuco.

Píívyéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

6f878dbd-e896-5e27-b788-1442926dfc48